

小峴山人詩文集

小峴山人詩集卷十六

無錫秦 瀛凌滄

曾賓谷枉駕草堂卽別

衰齡返鄉國，嬰病非逃祿。首歲交青陽，餘威氣方肅。庭
梅花尙斂林，疎凍禽宿忽。枉故人蓋，停騶訪茅屋。聞君
三上書，未得謝朝服。君猶效馳驅，余已忘寵辱。乖隔經
十年，何以申欸曲。斗酒無婦謀，密語聊秉燭。商略到出
處，履榮恥徇俗。送君郭門西，言別苦局促。冰雪塞長川，
寒窻耿幽獨。

爲于子道徵士題第一邨圖

九子峰巒斜對門西津渡口晚煙昏風流寂寞懷孫楚
家住江南第一村

家住江南第一村桃花流水遠籬門縱教天上徵書至
自覺漁樵地位尊

吳槎客過訪卽送其之宜興兼問吳仲倫消息
海上故人至門前谿水生雪消浮遠櫂風送泊孤城供
客惟魚菽論詩足性情因尋二沈勝復此刺船行
陽羨仙人宅名山有善卷洞中懸溜乳谷口綠蘿煙爲
問延陵子別來今二年儻乘貢湖水訪我九峰前
遲楊甫同游揚州不至以詩邀之并寄賓谷

辛夷花放天氣新期爾共醉梨花春預約同船渡江去
重尋六一題詩處揚子江頭春水香銀刀入網白於霜
小秦淮畔花如海舊日題襟幾人在風流無恙平山堂
揚州都轉今歐陽四海結交多老蒼衆中傾倒惟王郎
王郎王郎我欲與爾拔劍斫地歌人生不樂奈愁何來
日苦短去已多莫令今年春光九十仍蹉跎

喜槎客返自宜興重過草堂有作

九龍峰下是儂家槎客重停海上槎爲道甕頭春醞熟
江村二月落梅花

春草纔看長舊蕪荆南歸櫂又蓉湖不知罨畫溪邊柳

緣到樊川水榭無

槎客出東風細雨圖索題輒成二絕

昨夜荆谿返櫂今日一尊暫同門外桃花未放幾番細
雨東風

歸去小桐谿畔鴨頭水剪吳淞海上重攜二老
謂松靄潛山
雨簑烟笠相從

槎客邀游惠山以病不赴賦此贈之卽送其還海
寧

九朶雲峰高劣崩我歸無錢買不得故人放船約我游
又苦衰羸脚無力梁清溪邊溪水生春光淡淡沱春波平

青山融冶弄姿態茅家兄弟來相迎乳泉古竇莓苔滑

蒼雪霏霏冷毛髮好友況攜陽羨生

謂同游陳秀才經

佳蔘同

煎小團月明朝片舸江邊回徐姬一笑開尊壘

君姬人徐能詩

回首九峰莫煙碧梅花飛徧讀書臺

酒家

二月海棠花花開賣酒家疑看赤城樹如對洞庭霞美
醞誰共酌吾生良有涯此間判酩酊爛醉日西斜

渡江

北固樓前水蒼茫成古今落花三國夢芳草六朝心天
地青春換江山白髮侵無人醉橫蓬愁殺渡頭吟

揚州雜詩十首

銀燭湘簾映畫屏，酒邊人已鬢星星。
不嫌老大顏唐甚，

喚取笙歌一部聽。

賓谷招飲觀劇

別墅湖波綠漲天，七峰人已散如煙。
江南此日重回首，

舊夢春明十二年。

與賓谷追憶春明舊事，七峰別墅曩偕賓谷散直後所居也。

定子當筵一抹霞，斷腸春色廣陵花。
分明剪取吳淞水，

罵脰湖邊是爾家。

歌者計郎吳江人

江南日日春風顛，紅杏未花柳未綿。
甘載平山堂下路，

白頭重到亦無緣。

東風二月賣餚簫，傍水人家酒旆招。
最是玉勾斜畔柳，

麴塵絲罥小紅橋

十年前已鬢如絲窮極無如孫可之三月金陵消息斷

聞君此日在鳩茲

謂孫淵如

盛時觴咏記歐劉無恙邗江水似油寂寞翰林洪玉父

青春憔悴客揚州

遇洪桐生

頻年我已罷朝參冷落沙隄憶駐驂欲唱貞元供奉曲

不知誰是舊何戡

楊甫席上與張仲雅談稽文恭舊事仲雅文恭女夫也

若洲早逝妙聞殂梁溪故人今已無他日重過九峰下

也零殘淚哭黃壚

鮑若洲王妙聞皆仲雅友時語次及之

西泠風月廣陵烟何處傷春不可憐重拭青衫舊時淚

酒壚愁殺杜樊川

遇錢唐李生

自金山放舟至焦山用坡公韻

海門一峰疑虎耽巨鼇中截雄東南平生足跡未一歷

今朝挈伴人兩三

同舟者王李兩秀才

浮玉放櫂二十里如籠縱

鳥蛹脫蠶山靈向我粲然笑猥鶴前導寧懷慙去年曾

鼓瀟湘舵往往性命輕江潭勝游趁此好風日攀蘿捫

磴情逾酣俛視滄溟但一氣白日倒影翻巖龕華陽舊

碣出江底松寥更覓高僧談維摩妙參解脫義醺醺佳

味回清甘衰年於世百無嗜尚有山水還餘貪篙師促

余便解纜拋擲林壑非所堪今宵回首隔煙海月下有

夢尋茅庵

焦山古鼎歌

新城兄弟皆好奇焦山曾賦石鼎詩二王風流去已邈
古鼎依舊蟠蛟螭彭亨菌蠢狀詭譎形製謂是蒼姬胎
雲雷斑駁鐵色黝鼎腹隱隱鐫銘辭蟲書鳥篆了莫辨
手提程邈軼李斯觀者珍賞同雌彝傳說京江某公物
鈴山饕餮曾潛窺苦遭毒手竟攘攷半間一老供娛娶
無何嚴氏詔籍沒鼎今仍返京江湄某公持鼎施古寺
松寥守護煩魑魅海雲昨夜吐光怪江妃起舞紛葳蕤
歧陽獵碣在太學斯鼎亦賴神維持當日坡翁未及見

神物出世翻嫌遲蜚廉鑄象入泗水羸顛劉蹶風颺馳
恆河沙劫幾千載蠶尾何季留屣屣望氣矜舌再三撫
枯木堂上重嗟咨

焦山

萬古大江水一峰當海門青松迷嶂影白石嚙潮痕日
月從空躍星辰欲倒捫山僧了無事塵外自兒孫

松寥閣

高閣層崖上披雲坐翠微嵐光留佛住松色挾江飛獨
此飯香屑寂然生道機匆匆又城市還未著僧衣

焦山卽事

大江中斷湧孤峰深樹全含積翠重石棧雲飛仙洞雨
海門潮應法堂鐘鼎纏罔兩歸禪界銘護莓苔想鶴踪
好向華陽問真逸山樵無語一相從

喜巨超上人渡江歸

巨超號僧庵能詩

偶入松寥山爲訪參寥子弭楫見洞壑山禽呼客止磻
戶無人關屋在深篁裏梯崖陟層磴飛花粘屐齒穿林
江漸隱背石雲忽起碑刻苦費捫苔滑屢妨趾歛聞軒
轅樂湏洞奏宮徵潮音怒崩渚吞吐風與水徘徊下坡
陀登堂問開士言師行藥去怱悵情未已木末識歸榜
竟獲心所喜談詩滂源流自得無礙旨維摩方丈間金

粟現彈指我欲借茅盦一龕從此始

清明日毘陵舟中作卽寄惕甫

古人七十方致仕我甫六十先歸休上年此時已請急
衰退姑欲營菟裘家貧萬事不稱意童僕饑瘵無良謀
昨日偶放過江權思與朋舊同綢繆樗園襍被留信宿
嚶鳴吾汝聲相求江南日日苦風雨閉戶未得平山游
廣陵故人輒問訊當道或亦喧鳴騶病夫作客頗非策
掉頭仍買沙棠舟張帆伐鼓渡揚子早擬心跡親間鷗
松寥孤嶼挈二妙謂王李兩秀才海門駭浪魚龍愁今朝已近
晉陵郭陵亭斥埃連犇牛籬杏紅坼風藥細岸柳碧挂

煙絲柔清明似此好風日一篙新漲供夷猶榮名百年
苦羈勒世事轉眴隨泡漚雉羅牋觸況多客驚猜鼎狎
終何憂作詩一笑寄王子應許吾道歸滄洲

夜過郡城不及訪洪穉存有作

昨到揚州訪穉存知君先已返家園三更戍鼓蘭陵鎮
未得停橈一叩門

忍草菴

黃公碕畔度層蹊陳跡依稀路不迷磴道蹋雲芳草外
經樓銜石亂峰西泉流花下逢僧立茗煮松間聽鳥啼
却對維摩轉怙悵壞牆難覓卅年題

白鶴道院觀石洞

丹房隱巖壑石壁屹千丈累跼跼近步延首絕遙仰哈
呀風門張一洞闢軒敞裂地腹若剝負天背如盎窪中
入黝黝外豁出窺窻試叩虛牝旨果得空在象白日忽
淒冷炎夏轉蕭爽青蘿挂崖崿間雲棲岫幌獨鼓邱中
琴一和百泉響

離垢菴

高屋萬松頂一菴如鳥巢天風吹不落崖石斷還交道
士出行藥吾將從結茅雙扉閉幽閭鐵杖帶雲敲

小茅蓬

半嶺誅茅處相傳道士家閒廊人曬藥曲徑鹿銜花帶
雨尋丹壑乘風躡紫霞路逢羨門子招我飯胡麻

九陽道院余壯歲時與朱道士談道處重過有感
羽士今何處一房仍翠微丹丘人已遠碧澗鶴還飛松
化雲爲石泉噴雪上衣欲尋仙蹟去杖策叩巖扉

惠山訪鄒彥吉先生十二樓遺址今爲有恆道院
路入碧山裏喜逢春日晴松陰交石色花外出泉聲朱
館佳人散丹房羽客迎尙餘興廢感啼殺舊時鶯

謁邵文莊墓於繡嶺并訪點易臺故址

松風萬壑有餘哀翁仲荒殘卧草萊古徑何緣重拜墓

衰年多病獨登臺先生學術關千載後死心情酌一杯
華表鶴歸泉寂寞青山馬鬣首頻回

又成一絕

二泉學術契姚江曾爲城南記講堂誌墓何期勞桂萼
還畱片石玷門牆

荅周松靄卽用來韻

宦海浮湛廿四年老來仍作在山泉朝朝汲取西神水
石鼎松風火獨然

寄湖湘友人陳每田太史周半帆大令二首

忽見滄江雙鯉魚岳陽樓畔幾封書乾坤遠道煩傳訊

風雨名山慰索居，湘浦經年春夢短。
長沙一別故人疎，已將踪跡漁樵混。
燭武惟慙壯不如。

門羅鳥雀到荒汀，搔首踟躕雨鬢星。
春水亂搖柳漠漠，春風又攪花冥冥。
吳下書來江渚濶，楚中人隔嶽雲青。
天涯有盡情無盡，直送離心過洞庭。

卽事

漠漠斜陽映稻畦，小船撐出板橋西。
有人跛脚垂楊下，間看白鷗飛過溪。

黃埠墩

人代茫茫裏，還餘楚相墩。
溪環雙派合，雲出九峰尊。
佛

閣多依樹歌船半繫門楊花太無賴飄蕩暮烟昏

齋居作簡伊樂

春陰細雨濕春泥新漲門前已滿谿諸阮雖分道南北
少陵不隔瀼東西屋梢翠篠長如許檻外碧桃開欲齊
陽羨旗槍二泉水好來同聽栗留啼

潯溪

青山十里五里淥水長橋短橋一櫂垂楊深處桃花影
裏魚標

出南郭訪邵文莊東林書院

漾舟出南郭微雨灑芳甸新陰生衆綠楊花糝如霰水

木互幽映漣漪足流眄緒風吹我衣泠然舞雩善已覺
春序改漸知夏禽變欵扉疑舊歷登堂憶遺彥二泉人
已遐媿乏瓣香薦人生縛微纒吾性何由繕慙茲世慮
屏塵外聊自遣

得劉澄齋侍讀書荅之

故人京國一書來乾鵲檐前噪幾回十載聽鶯曾杜曲
羣公走馬自蘭臺衰遲早過無間日感激誰爲有用才
若向病夫頻問訊柴門風雨閉蒼苔

江南春老鬢絲風北去書應托塞鴻詩到幽并增感慨
人如恆代幾英雄三年字跡微茫裏萬古離憂寂寞中

倘問西湖舊時柳宜游心事等飛蓬

澄齋嘗作折柳曲寄余杭州

一陳默齋擢任閩中叅戎書此寄之

一紙除書下紫泥頻年宣力海邊隄朝

天日指樽桑

近專閩雲連越嶂低千古文章聯縞紵

默齋從松霽槎客諸君游幾

人武略蕩鯨鯢

時閩中方有海患

黃梅熟後蓉江路先歛柴門

九隴西

爲賢素齋題合江樓圖卽送其再游粵東并懷伊

墨卿太守

風雨合江樓坡翁萬古休還餘雙派水重駐木蘭舟太
守此高譙斯人曾共游而今亦泥爪并入畫圖收

主人嗟遠戍高義孰如君復此合江去離鴻不可聞重
攜惠州酒一看羅浮雲剩有防身劍登樓倚夕曛

偶成

愛看青山過小陂不然閒坐擁烏皮江湖易老雙蓬鬢
身世難消一局碁戲到魚龍成傀儡呼來牛馬任顛癡
但參苦縣希微旨不解雄飛只守雌

楊甫書來嘲余詩駘宕不似老年人賦此寄之
琅邪博士尺書傳謂我新詩似少年誰道青春都過眼
但餘白髮老垂肩愁看塵世留銅狄夢向仙家乞石蓮
祇願臨風常握手不須芳訊致纏綿

止水歎

東林黨北寺獄緹騎逮正人覺惟大臣不可辱草遺表
秉孤燭赴清池水一刳君不見自古沈淵有屈子誰其
繼者江萬里公之心如此水生從龜山死元禮

重築可樓成有作

昔人構水居高樓峙嵯峨居廢樓亦圯頽然委逝波我
今勞版築命侶登崇阿舊觀稍規復闌楯平不頗聊茲
偶憩息翫化養天和少壯未學道鬢髮忽已皤謝病歸
田廬年光惜蹉跎昔人不可見來者復如何出處可否
閒吾意豈有它匪甘樂衡泌詎擬考槃歌

水居晚興

暝色上重湖殘霞猶未歇漁舟薄莫歸蕭寥水風發招
我巖際雲翫彼湖上月微瀾蕩金波空影坐超忽浩
搖精魂虛明炯毛髮白露倏已深蒼然葭菼揭緬邈懷
伊人山川不可越適已還多娛繕性庶不伐信宿謝城
市蹙弭林閒轍

寄破公

爾似古瞿曇仍棲湖上菴山房雲補衲松徑石藏龕交
憶青蓮社經繡貝葉函自從離勝地林壑夢中探

知魚檻晚坐

小巖山人詩集 卷六 三
宵映山色深松閒漏殘照遙知碧磻外萬壑藏竄窰小
憩亭上陰空水相晃耀流泉激遠聽高岑入幽眺孤鶴
啄苔蘚寒禽戀蘿蔦薄暝無游人巖谷益清峭冥心悟
物理適志觀道妙焉知我非魚臨淵罷垂釣

晚投惠山寺擬以質明詣茅蓬禪院

葉落南朝寺支筇訪若冰空林間信鼓夜雨見禪燈煙
暝乍來客山深常住僧茅蓬最高處還在白雲層

九日游惠山懷暢甫

萬木吳田下江南秋已深重陽少風雨扶病復登臨碧
磻流朝莫黃花變古今思君廣陵住昨寄瑤華音

自惠山晚歸

回首九峰碧蒼然暮色橫波頭月未上榜際水還明隔岸山鐘出寒潭佛火生畱連故園興長欲謝塵纓

近況

書信渺江湖何人念老夫奚童貧漸散穉子喜相呼病欲求僊尤衰宜擁藥鑪祇欣雙脚健不用短筇扶

孫淵如觀察再過城西草堂

十日兩相見頻勞過敝廬本來生理拙共是宦情疎山館連寒郭苔磯羨老漁君言此鄉好未得卜鄰居

坐二泉亭上有作

巖腹閼靈液虛谷何盅然乳竇龍髓裂迸作清泠泉明
流瀉哀玉瀼瀼雲根穿迨茲入寒甃淺沼湛淪漣聲聞
坐寥寂坎止無洄漩白沙淨見底水石互澄鮮動靜各
有會耳目兩棄捐獨攜小團月活火松風煎高懷綢繆
芻暫謝區中緣

小海兩如過訪草堂

秋霜被修坂望望結離思煙際聞拏音遙知故人至同
爲池上行聊向花下醉夕陽滿前川作別還長嘯

小海來遲槎客不至

呼童縛帚罷落葉已成堆雨後藥欄損霜前菊徑開

門聞剝啄有客踏蒼苔一櫂水邊繫如何君未來

送李石農入覲

我官甌括六月耳君官甌括六年矣昨我歸田守故鄉
君方謁帝趨明光挂帆夜過梁谿路谿上北風常斷
渡張燈入城造我廬殷勤執手問何如我有萬事填胷
臆草草相逢說不得送君且上長河湄明日思君又路
歧

秋霽竹爐山房小憩

性公已往剽祇林蕪火爐邊落葉深只爲看山停短櫂
甞教啜茗損愁心人緣多病真成懶天與清游不放陰

所惜故園同調少但聞啼鳥一長吟

爲槎客題珠樓小影圖

花間一曲有新詞付與楊枝唱竹枝想得弄珠樓上坐
蝦鬚簾捲寫烏絲

小桐谿館逐谿開門外東風長碧苔好遣紅粧稱弟子
親扶鳩杖拜經來

又爲槎客題蛟橋折柳圖

海昌詞伯吳槎客鼓櫂重經菴畫溪溪畔垂楊千萬縷
故人相送郭門西

此邦風雅屬東坡名士荆南似鱗多螺女門前送行處

春風細雨奈愁何

晚坐寄暢園

衆壑斂斜照竹風含夕清
華池蕩微瀾波光澹吾情
林疎剩空枝歸雲在簷楹
牆角茶花紅嫣然媚寒英
以茲悟物化萬彙殊枯榮
幽懷無與說山禽向我鳴

九陽道院

忽從峰頂俯平臯
僊館玲瓏謝俗囂
竹塢埽雲丹竈冷
松窗延月石壇高
閒身我已安邱壑
舊雨人從擁節旄
時聞阿雨窗
移撫楚南
太息同游成宿草
憶曾秋夜聽雲璈
三十一
年前
曾與青溪
道士宿此

秋夜吟

天地不合生秋氣作弄秋聲如鼎沸天地不合生詩人
秋氣偏與詩人親詩人夜讀聲方止莎際亂蛩鳴不已
那堪腸斷井梧邊又教淚落芭蕉裏便道無聲也黯然
宛如人到別離天蕭蕭颯颯難爲狀頭白挑燈照不眠
出西郭門望惠山積雪

郭門帶寒淥對面西神峰在目皓積素忽失蒼翠重了
然巖際雪猶挂前朝松遙望道人居石屋孤雲封蹊斷
樵牧跡徑沒麋鹿蹤梅花凍還結巖洹無春容縱權且
夷猶偶輟林間節

雪後蓉湖晚歸

積雪在諸嶺夕陽生暮寒鳥還林際寺人語煙中灘
了見層堞悠悠隨迅湍歸田近兩載寂寞歲方闌

謝王述菴少司寇惠問

湖樓惜別記金牛咫尺鱸鄉詎阻脩江左聲華餘一老
謂辛楣先生人間著述足千秋殷勤書札憑黃耳出處心情
感白頭便擬移家午橋住日從杖履話林邱

壽述菴少司寇八十

琅邪清節迥雲霄湖海人宗重斗杓絕徼先參元老幕
上卿兼插侍中貂八旬黃髮歸田久十載丹忱望闕

遙猶有餘香 賜衣在禁中
橐筆記 先朝
里稱履道舊清卿
畫徧屏風識姓名
帝重溫公先去
位衆思賀監
早辭榮
頻開香火林間社
已訂漁樵泖上
盟清夢
菰蘆高卧穩
端居未免念蒼生

得楊蓉裳農部書并寄新棗詩藁却寄

謝却麤官歷幾春
洮雲隴水總前塵
清才大抵歸華省
冷宦何須據要津
解識文章千古事
居然風味六朝人
梧門漸老船山少
日下論交各有神

夢中應憶故園春
老蹋長安十丈塵
四海弟兄推玉局
卅年車廐感平津

蓉裳少受知于南昌彭尚書今尚書已沒

尊前青鬢談詩

客帳外紅粧問字人獨卧江湖嗟歲晚燕山北望轉傷神

題宋牧仲先生鈔本詩集

集藏馮編修驚廷家

先公執友宋商上詩卷何人什襲收賴有桐鄉馮太史漫堂風雅百年畱

海內論詩各擅場名流一一費評量金風亭長新城叟

幕府還聞邵子湘

集爲朱竹垞王漁洋邵青門三先生評本

大雅如公亦我師南城底事有微辭

曾賓谷題後詩頗嫌公詩落宋調

江河不廢蘇黃派況有文章替左司

北蘭寺外江花春滄浪亭畔波粼粼

兩處皆有公遺像

開府風

流誰不羨至今人尙說絲津

惠山華道士山房

曲曲花宮別有天欲從金闕問真仙
蒼崖帶雨難松火碧澗穿雲汲石泉
講罷夜壇龍乍蟄碁殘古觀鶴初眠
衰齡合向名山老每箇峰頭住一年

題鄭楓人玉勾草堂詞藁

楓人登某所築

煙月西冷夢已休

楓人官於杭罷官後不果歸沒後始歸葬

才人猶說鄭瓜

州羨他山抹微雲
聳傳得新詞記玉勾

曾聞歸骨葬江邊
寒食棠梨一惘然
若與招魂僊掌路
風流應勝柳屯田

爲族祖致遠題觀書圖

族祖我尊行支派游貞靖方伯實冢嫡雙孝雁行並於
繼化治間景運世方盛堂堂三楊後正人執國柄方伯
官部郎觥嶽秉清勁出守歷大藩到處有德政謳思楚
人鄉尸祝豫章境于時貞靖公聯社富吟咏歸來隨杖
屨上堂拜家慶無何銜父恤遂爾謝朝請天胡不憖遺
所施惜未竟流傳五峰詩正響繁哇屏茶陵最稱服泉
齋亦致敬迄今三百年大雅棄如檠去聲遺緒已衰替曷
免憂心恫族祖念祖德一卷企先正身披鶴氅衣清輝
猶玉映庶以勗後嗣讀書爽再競

小峴山人詩集卷十七

無錫秦 瀛凌滄

別家作

身世每多感況兼遲莫心豈無鄉土戀只爲主恩深
才拙難爲用年衰恐不任 嶠均陳跡在重擬玷朝簪

撥召見
時乞內

渡江

城高鐵甕白雲徂浮玉中流堦影孤戰地千秋仲謀國
江天一幅范寬圖山川有客尋黃鵠壁壘何年記赤烏
便擬揚舲指瓜步夕陽舟楫在虛無

鮑樹堂侍御約游小秦淮汎舟有作

花時相約蕩舟行
隔岸家家喚賣餚
小秦淮畔路
杏紅粥白近清明

曲港鶯聲請已三停橈
更待故人驂

時楊甫乘輿後至

含情試

問邦江水便是桃花百尺潭

桃花影裏酒船搖
劃破春江水半篙
一片紅雲攔不住
放他撐過赤闌橋

磨牛陳跡已茫然
不到平山四十年
卻怪東風太無賴
惱人中道又回船

過沂州王右軍祠并游普照寺

晉代衣冠拜右軍，墨池無恙一潭雲。三年前事都如夢。

舊雨飄零不可聞。

三年前偕洪桐生太守過此，今相庄已移疾去。

佛殿蒼涼柏影秋，南朝古寺又荒邱。夕陽影裏逢僧話，舊日沙彌也白頭。

顏垣剩得屋三椽，卧碣猶傳皇統年。寄語桂林朱院長。

硬黃重揭柳誠懸。

寺有皇統年間集柳字碑，時桂林朱進士某方爲琅邪院長，屬其重揭。

牛羊又上曬書臺，萬事淒涼付草萊。對宇尙餘荒徑在。

招要不見蔣生來。

蔣生者，四十年前先大夫主講琅邪時諸生也。招之適它往。

登泰山作六首

驅車過奉符，遂宿泰山下。凌晨登泰山，努力仗雙屨。言

將朝玉真芙蓉手堪把笠頂天門開舄下滄海瀉美門
不可遇誰是長年者適從吳閭來不見吳白馬已覺故
鄉遙愁心浩難寫

還山復出山勞生劇倥傯俗士乏僊骨安得翳朱鳳行
行十八盤奧窔閱巖洞洞雪寒未消巖瀑曉猶凍卻見
山桃花春風爲擺弄况有花間禽向人時一哢應笑遠
行客辭家續塵夢試看蠻觸爭不異鄒魯閔何如山中
人高卧雲在棟

泰山多松樹積翠萬古濃蒼髯笑相揖招手欲遣從疑
是太古叟一一乘虬龍何來白雲滃頓失青芙蓉雲并

攢松去見雲不見松我亦墮雲裏巖壑迷千重須臾雲
復散又睹支離容遙聞松下泉清響流琤淙白鶴叶松
頂日照東南峯

古來封禪者七十有二君荒唐邈人代壇墠空白雲伊
昔開元世相業姚宋聳胡爲好侈妄稱頌滋紛紜大書
復深刻用紀德與勲厥咎繇燕公升中事亭云誰知旤
機伏九廟遭煙氛青嶂遠幸蜀謹噪到六軍殷鑒亮不
遠吾欲劖其文

人生天地間飄忽如浮埃變幻在俄頃一散不復回我
本孤生篠撫已良足哀入世苦局促笑口何由開忽茲

御風行登高望蓬萊蓬萊亮非遠湧見金銀臺庶幾逢
玉女一酌流霞杯

風登日觀峯剗天橫石壁陽烏一丸躍夜半搏桑赤海
水時動搖閃閃蕩魂魄今來已亭午頻眎但一碧不辨
大小東蒼然元氣積誰知九州橫乾坤莽開壑舉首見
穹昊匏瓜如可摘頽齡朱顏凋媿乏升天翼

京師晤楊蓉裳農部旋奉司臬粵東之命途中
却寄卽用其見贈集中詩韻二首

逢君草草別匆匆踪跡何如水上蓬乞內不教懷易遂
將以京卿救時豈有術能工江關遠道驚如許猥鶴名
用不果

山怨乃公襟抱廿年傾未得一盞愁絕影蟲蟲

馬頭滾滾荆門沙此去扶胥天一涯攘臂那能真縛席
縣弓何至便驚蛇枕榔雨溼村邊樹颼颼風喧海上槎
卻羨羅浮梅似雪明年須寄嶺頭花

過家作

此行迢遞到炎荒須問南交荔子筐
暫過家園先一笑楊梅未熟枇杷黃

下二茅峯

人下二茅峯回看巖壑重林疎微見月谷遠但聞鐘夜
鶴得毋怨白雲徒自封從茲揮手別愁倚磻邊松

到家後與親友別

相見愁兼喜還家卻別家三春勞客夢五管隔天涯
海上市方劇吾生鬢早華所期須報國不問仰平瓜

山塘

塢光遙映落帆中七里塘邊繫短篷煙市水明歌扇影
山樓人醉酒旗風生公石上苔心綠主簿祠前屐齒紅
愛聽吳孃隔花語曉窗鸚鵡在簾櫳

曉黑過橋李未登三過堂適陳古華書來有贖地
築墻之議以詩答之

三載松齋役夢魂無緣堂上薦芳蓀那經攜李亭邊路

未打山僧月下門跡等磨牛難再踏書傳風隸試重論
如君以外同心少誰向荒基與築垣

過嘉興四首用煙雨樓舊韻

鴛鴦湖畔汎輕船卻指杭州入暮煙須向孤亭尋櫓李
停橈重與拜坡僊

高樓明滅佛堂燈猶記清秋唱采菱雪印泥踪十年事
閒來重問煮茶僧

此行遙指五羊城老衲扁舟蕩槳迎

謂廣仁寺僧

湖上往來

吾已熟親人魚鳥識雙旌

篋中幾許故人詩無恙煙波綠滿坻我與此邦偏繫戀

船頭更爲立多時

重過蘇公祠

一別經三載重過玉局祠湖山自無恙朋舊復相期

秋子

華南秋槎先在祠候余

竹翠侵衣溼松陰度石遲神龕淮海並再

拜淚如絲

近杭人於祠左增祀先淮海余甚感之

湖上遇馮玉圃黃門

如此湖山好重逢事偶然前期猶昨日後會復何年炎
海天涯樹錢唐渡口船蘇公祠畔路握手亦良緣

杭州雜詩八首

梅史詩名世已傳何人薦達識君賢不堪癡盡東陽憐

孤負才華二十年

史查梅

博士清才似謫僊詩腸酒膽晚逃禪我來重問西湖寺

無復僧房借榻眠

宋茗香豪於詩酒嘗寓昭慶寺聞其無疾而逝

飛來峯畔遇汪倫一笑懽然又見君

汪小海

耆舊海昌三

老在北山爲我勒移文

三老松鬻兔牀潛山

舊時相識是湖山一别于今髮更斑拍手兒童歡笑劇

三年重睹使君顏

一自沙門交二衲

破迷主雲

虎谿常憶過谿時他年打破雲

堂鼓好更來參白足師

澗水泠泠淨客魂上方鐘磬隔風旛無緣更汲龍泓井

再叩韜光竹裏門

韜光龍井
皆未得游

越國諸生半在門

湯秀才點
山諸子

翩翩儒服迓行軒
心情別

後添多少道左無由與細論

呼猿洞口認前因
曾領名山六七春
別後夢中常記憶
此來也算再來人

將至富陽

憶昨到西泠
便放樟亭舫
夢醒五更初
依稀過漁浦
潮喧天始曙
日上雲復吐
回首定山村
一片濛濛雨

過桐廬用康樂富春渚韻

乘潮涉春渚
杳靄近山郭
曙色互陰晴
日景穿林薄
迅

湍急奔崩蒼翠隱回錯遙聞搗藥禽桐君有丹壑遜世
樂無悶棲巖得所托平生勞仕宦任重苦力弱已遂歸
田請未果入山諾復與親愛辭齒髮早衰落雄飛匪云
美吾道甘屈踐

七里瀨用康樂韻

遙余渡巖瀨登涉愛清眺源流方在茲巖壑益幽峭水
石互蕩滴雲日相晃耀灌木哀禽啼荒蹊暝猿嘯聲喧
悟真靜境寂得要妙胡違知止義反蹈用罔諄懷山跂
墮樵眷谿羨亟釣終當歸敝廬古人庶同調

廣信

侵曉聞人語前程是信州櫓聲隨岸轉漲影與天浮雨
入孤城暗灘喧五月秋吾將縱遙目一上郡西樓

讀韋詩

吾聞祖師禪常得無言旨今讀韋公詩可以悟禪理冷
泠花下琴非絃亦非指元音叩虛牝松風響幽耳想見
靜者心澹月映空水

舟夜對月有懷江南諸子

幽映林際月影墮空灘水輕舟獨搖曳清川憺如此容
裔孤煙深微火逗遠市煙中辨櫓響船笛參差起披衣
覺夜涼念我同懷子酒罷感勞薪塵事方茲始

弋陽

鼓櫂弋陽溪溪光極森迷亂流兼石湧孤墦截雲齊爭
渡人聲雜穿林驚影低重吟賓客句日落女墻西

安仁

又過安仁郭朝來擊汰喧江帆擁樹出石碓逐溪翻雲
氣侵山驛灘光入縣門三年重繫纜白髮不勝繁

舟中苦熱因懷第二泉作歌用李西涯寄二泉先
生韻

九龍山中罷長嘯冒暑登舟入蚓竅蓬背火繖撐晴空
渴飲安得靈泉通向來泉托桑苧姓二泉還山重鑒定

上年我亦歸林泉若水洞口的珍珠縣如何匆匆別
茲水俗骨不浣真濁土出山那似在山清獻嘲毋乃來
山精夢憶瀟淪一泓瀉眼前誰是知泉者巖腹中空泉
最奇翠濤重煮知何時他年更向山中酌齒牙雪凍供
瀉澗援琴先奏松風音泉哉泉哉知我千里懷鄉心

瑞洪禱風張中丞廟

肅肅中丞像靈旗颭豆籩神鴉巢灌木社火閃晴煙字
對康郎廟門停左蠡船反風傳異蹟不用卜筵筭

距南昌四十里風阻不得與小泗相見賦此寄之
兼懷大舍妹在龍泉

獨去炎州萬里天
斃時聚首亦前緣
頻宵已作連牀夢
百丈難牽上瀨船
故國池塘春草外
清江樓閣暮雲邊
殷勤更有平安字
欲寄大雷何處傳

別小泗

重上滕王閣
下舟明朝又動鵲
鵲愁半生兄弟多離別
不及章江水合流

峽江縣雨後見月

孤城隱天末
繞岸盡波濤
章貢合流處
雨風兼怒號
峽寒雲不落
江靜月初高
故國三千里
鄉心折大刀

寄大兒翺武

舊病知何似音書不易聞應憐余白首久望汝青雲骨
肉思常聚間關苦又分明年荔支熟來省瘴江濱

憶三女

楚天遙望處有女在施州失母憐渠弱辭家向我愁官
早倚夫婿道遠阻音郵可識寒灘畔衰翁獨繫舟

舟泊萬安城外夜聞灘聲有作

將以次
日登陸

繫纜萬安縣滄江繞城郭支枕耿無寐宵半灘聲作初
疑迅颺發又若殷雷薄洶如奔駃騠怒如鬥蛟鱷稟姚
意恟怳厖愴神錯愕楫艣亦動搖浩蕩臨巨壑昔聞十
八灘恠險鬼工鑿雙崖倒霜雪萬石戛鐘罇上灘如登

天十步九迴卻舟楫入坎窞驚湍一何惡吾應凜垂堂
性命詎輕托申旦辭篙師徒御戒行囊肩輿指阜口且
就晨餐樂

山行二首

欲借僧寮憩門前有石牀磴危疑陟嶺難轉似浮湘竹
篠緣坡斷松毛落磗香無端忽凝望爲憶卧雲堂

日避暑於家園之卧雲堂

上年以今

溼翠寒猶滴飛雲出谷遲林深防虎穴峯雜問樵知白
日逢山鬼青楓叫子規邨民自畊鑿吾愛上皇時

鬱孤臺

獨上鬱孤臺羣峯萬馬來檻邊浮顛石木末想蓬萊地
逆雙江合天橫百粵開明朝度庾嶺南客不勝哀

虔州

時平久已罷刀弓重鎮虔州戰地空熊耳羣山趨服領
虎頭百雉俯崆峒此邦舊踞江關險先世曾開幕府雄
先舜峯公以都御史鎮南贛八境臺前一憑眺但餘詩句憶坡公

南康懷亡友謝蘇潭中丞

故舊彫零盡南康最善余富春江上別湘水道中書八
桂名長在千秋業不虛蘇潭還在否寂寞過君廬

大庾嶺

千盤嶮坂上，匝巖橫浦蠻雲極。目時天遣詞人過庾嶺，
要添一卷廣南詩。

謁張文獻公祠二十四韻

橫浦羣山外，遺祠五嶺邊。開元曾紀盛，丞相最稱賢。
名士隆中膝，高科渭上畋。

公舉才侔伊呂科

房姚骨同鯁，燕許筆

如椽。一代金甌重，千秋寶鑑懸。南溟鵬自奮，丹穴鳳高
騫。氣槩霜毛整，文章礦璞全。匡時需宰軸，作輔儼神僊。
秘室曾藏劔，深宮浴賜錢。履冰憂喪亂，投杼苦迴遄。一
德虛調鼎，孤芳獨抱荃。冥鴻滄海上，春燕玉堂前。早下
銅人淚，惟留羽扇篇。犬遶能吠雪，鶴已早歸田。不幸公

言驗幾令國步遷鉦輦逼宮闕鐘簴委烽煙騎突漁陽
日塵蒙蜀道年懷忠方遣使灑涕始申虔悔既嗟何及
知幾識獨先靈關險曾鑿峻坂烈猶鐫奕代思徵笏諸
孫失介繇林惟棲木客覲欲奏神絃虛寢蛛絲罨殘碑
鳥跡穿何當攜杜甫再拜共啼鵑

入峽

連天峽雲生拔地峽山起身八峽雲中舟行峽山裏彈
子磯高高瀕江水瀰瀰上有峯巉巉下有石齒齒不知
混沌來開鑿從何始想當秦漢年奇險卽有此峭壁倒
空青夕陽射遙紫杳靄明滅間磅礴虛無底我方下灘

行灘流捷於矢行程戒勿貪習坎得所止

韶石

蒼梧南巡不可復拋卻韶峯三十六不解當年一足夔
躡躡何緣到荒服雲中怪石森嶙峋非簪非柱非琅玕
天施鬼設難具狀相傳曾奏雲門彈中間最高是雙闕
東西對峙何突兀九成自昔儀鸞鳳玉瑟瑤琴渺荒忽
翠華亭邊望翠華虞姚制作畱天涯山祇川后不愛寶
煉石何必煩庖媧洞庭張樂思帝子泗濱浮磬懷夏姒
何若雲山韶濩音搏拊鳴球歎觀止我昔浮湘窺九疑
湘妃淚染斑竹枝此間亦有湘江水髣髴重華張翠旗

湏陽峽

兩岸盡石壁，剗天青不分。江寒夜常雨，峽暗曉仍雲。灘

口牛痕門

牯牛灘最險

風中虎氣聞，釣絲長幾許。試驗石花

紋

武溪

溪上吹橫笛，我懷袁寄生。昔聞武溪水，今向武溪行。霧
斂月初吐，風高瀧未平。當年站鳶處，辛苦事南征。

虞夫人廟

在大廟峽

大廟仍名峽，靈風捲羽旂。苑猶乘白馬，生足抗黃巢。古
瓦苔生麤，虛堂網罟蛸。尚聞松檜裏，暮雨響弓弰。

瀑布

蒼峽何年圻飛泉一道來炎天晴灑雪陰壑晝聞雷觸
石還餘怒爲湍亦自哀終當化霖雨潤物洗氛埃

峽山飛來寺二首

曾聞飛來寺而我亦飛來峽束一江水泉喧萬壑雷獨
循蘿磴上忽見松門開絕壁孤亭表惟聽猿鳥哀
舊是阮俞徑吾將采藥從崖高日色薄寺古荔陰濃
上吹孤竹雲中揖二禺無端復成別怊悵下山鐘

浴日亭和坡公韻

漫道扶胥水拍天依然黃木俯蒼灣目窮南海初升日

山陰詩集 卷一 四三
腳踏中原未了山炎地何方驅瘴霧衰年無藥駐顏
逢僧共話錢唐事夢在兩峰三竺間

守廟僧乃錢唐人

謁南海廟八韻

若木海雲東明禋祀祝融牂牁萬里外服領百蠻中舸
汎扶胥漲旂開廣利宮乾坤入噓噏潮汐轉洪濛合沓
三春雨神靈五夜風波翻鰲背濶氣壓虎門雄漢鼓沙
稜遠唐文石碣崇只看朝旭射先映佛桑紅

光孝寺

卅載夢游光孝寺今朝真到寺中來虞翻舊宅無芳草
劉銀荒宮有碧苔雨過訶林瞻法界日高旛影湧香臺

老僧閒數菩提子不用恒河感劫灰

偶感

粵王臺上草雲斜海角秋風天一涯
歸興三年淹慧麓宦游萬里遠長沙
人來嶺嶠希逢鴈夢度江關不到家
此地正當多事日開尊愁對陸郎花

珠江秋汎憶舍弟小泗

魚藻門前泛畫艘白雲山翠落船窗
中流樹影涵珠石隔岸潮聲撼海幢
擊楫漫驚天路遠銜盃難遣客愁降
芙蓉采采秋風晚可有書來自貢江

廣州懷古二首

秦漢茫茫不可論
任囂亡後尉佗存
時來大長還稱帝
老去英雄已抱孫
左肅威儀娛晚晚
高岡歌舞閱朝昏
茂陵宮寢同衰草
一抹斜陽滿北原

割據紛紜負販徒
南荒稱制到傭奴
龍飛累世乘黃屋
鼠竊偏隅擬赤符
地市風雷藏玉盃
花宮日月護金塗
降王故邸今蕭瑟
寂寂昌華叫鷓鴣

大佛寺

尙可
喜建

金碧珠林倚北禺

寺近
禺山

南交鐵券紀酬庸
悍藩何事窺

周鼎異姓曾聞受
漢封禾黍荒宮千
載刼幡幢名剎六
時鐘百年帶礪無
遺孽落日殘僧話
舊踪

秋思

昨者江南住重茅有敝廬芙蓉湖上月我本鏡中居一
別不可道三秋木葉疎五羊城畔路獨立祇愁余

蒲葇游海幢寺

壁有伊墨卿太守詩

暮色落珠林到來生遠心小山斜日隱疎磬碧雲深壁
上墨痕溼天邊海氣沈欲尋詩衲話共坐竹藤陰僧澄波能

詩

夢亡婦

十載黃墟恨平生腹痛餘夢中還見汝嶺外卻尋余執
手時終暫同心誓久虛醒來猶髣髴孤枕淚何如

夜坐

故鄉不可見涼氣夜方深已落江南葉徒傷遠道心寥
寥少知己寂寂援孤琴吾意付秋水君聽池上音

荷塘

方塘涵夕清荷際露微上坐覺遠風來滴瀝疎雨響

崖山歎

峒州前崖山曲宋天子一塊肉天意不留一塊肉日車
傾翻海水覆世傑張秀夫陸舟師大索貫艫軸四周樓
棚高過屋二月元兵來日暮雨如雹洪波震盪昏霧塞
從此君臣葬魚腹七日浮尸出海上十餘萬人成一族

遺民何處種冬青只有年年杜鵑哭

爲廣省堂方伯題秦川立馬圖

相逢在嶺外剪燭話秦川黑靑秋橫塞青絲曉控弦關
中金鼓震隴右陣雲縣是處壺漿獻羌人拜馬前
五十頭還黑臨洮久罷征世家傳宰相將畧倚書生嶺
海方移節樓船重置兵前籌須借箸何以剪鯨鯨

爲吳蠡濤觀察題扶胥浴日圖

人生出處不自由出山忽落天南陬故人作宦久嶺表
一見執手歡綢繆中間乖隔安可道越江楚樹雲悠悠
養疴歸卧九峯下側聞屏翰青齊州大藩聲譽動天

子噩夢那作南冠囚明珠薏苡不受謗銜 命又復來
炎洲今年六月荷始放造君行館紅雲稠閒來共躋粵
秀頂滄海咫尺風颼颼約我鼓楫訪銅鼓浴日亭上張
雙眸先期示以行看子置身如到崑崙上暘谷吐燄渺
荒忽旭日湧見扶層樓羲和廻馭破混沌圓規上下青
銅浮鯨宮蜃市杳莫測億千幻界誰能收吾曹十載戀
參笏神僊茫昧不可求卽今南荒氛頗惡雄虺四足虺
兩頭仗君建策一埽蕩澄清攬轡當高秋從此拂衣復
歸去五湖散髮乘扁舟

楊蓮趺書至言吳半舫疾革時以葬事屬余余當

踐其言先哭以詩

萬里書來劇可驚西風蕭瑟到羊城論交早歲餘君在
余十三歲時以應童惜別衰年送我行誰道各天成永
子試識半舫於江陰
訣不知何地話無生它時殮骨青山下金石終當踐風
盟

江門懷白沙先生

白沙講學處舊業至今存風月自清夜江天此一門何
心別殊派斯道溯真源亦有甘泉子相尋共討論

鎮海樓

飛簷百尺俯牂牁海色蒼茫落日多雲散秋陰連粵秀

風吹涼葉下波羅鵑鵲啼
冢嗟劉龔麋鹿登臺笑趙佗
瀨水樓船虛想像醉憑短劍一高歌

哭俞伊樂三十二韻

還家不逾旬旋與君別離
登舟送余行恨恨令心悲語
余八十翁恐無相見期
余謂君頗健會合當有時誰知
不數日君已與世辭

余以四月廿七日與君別君以五月三日沒

余方宦嶺

表得信乖且遲聞君故無病奄忽遽不支
衰年等瘁葉一旦秋霜萎君妻痛早沒
鄰下况少兒但有赤腳婢爲君烹菽葵
敝衣與糲食高卧談黃義有時竟絕粒
閉門長忍飢有時西風寒猶是御綬絺
君真學道者流輩爭

笑嗤余自歸田來日日相追隨里巷共出入同志無稍
睽君自置一櫟生壙亦自爲達觀豈不早此意堪嗟咨
上年日端午汎舟蓉湖湄拍手呼兒童相與觀水嬉羽
旂颺五色出沒鱗之而詎謂人易盡歲月甫及朞長逝
君竟已埋骨西神陞九峯君所愛雖死當戀茲彳示泣
山鬼髣髴從文狸松檜缺月暗蘿薜陰風吹有人此吟
嘯魂魄或在斯一生瘁心血都在數卷詩詩格勝其祖
謂父心先生澹蕩無俗姿君雖舍之去我當刊刻之遠宦在
南海珠江水瀾瀾長言聊當哭九泉庶有知

呼鸞道

二月春風開木棉越王歌舞散如煙祇今誰問呼鸞道
落日深山啼杜鵑

答馮魚山比部

魚山家欽州州有天涯海角亭

天涯盡處有魚山家在窮荒瘴海間共話三春一杯酒
曾游五嶽半人寰茫茫身世雲俱黑落落功名鬢各斑
我又懷鄉欲歸去他年相見過吳關

偶然作

吾意忽不懌高齋罷苦吟如何五管道重負百年心物
忌直鈎鈞人嫌古調琴知交幸思我書至比黃金

適得周松

霽諸君書

寄懷姚秋農修撰

京國思姚合重依供奉班音書阻燕塞風雨下秦關陳

事抒孤憤

秋農視學粵東曾奏地方海盜情形

題詩滿百蠻幾時孟重把

夢寐見君顏

讀史四首

讀史無端感慨生
峻嶒五嶽未能平
幾人座上談王伯
有客胷中貯甲兵
事去英雄還失路
時來監子亦成名
漫勞啟事爭聞達
塵海茫茫感風盟

笑爾容頭已過身
繇來謀國誤因循
繞朝事後空貽策
賈誼幾先歎積薪
海上逋逃亡命客
檻中株繫覆盆人

蔓抄至竟成屠伯陰譴還當有鬼神

紛紛羅刹鎖琅鐺滄海雲迷日色黃
犴狴辭皆成幻蜃爪牙術慣助貪狼
銜冤豈竟天難訴飲水何堪衆盡狂
史冊若教書酷吏漢庭不獨一張湯

放眼高歌仰太空浮雲蒼狗變何窮
人多碌碌輕餘子世自悠悠負乃公
漫向碁枰分黑白底須劒氣別雌雄
有人但學吳張翰八月鱸魚理釣筒

題嚴樂園詩後

我愛元道州曾賦春陵詩誦君憫農什
三復重齋谷秦中昔用兵毗庶力已疲
亂後苦旱蝗士女益仳離鳩形

徧衢路石田廢不治所貴司牧者辛勤撫瘡痍曷以稱
衆母哺民如哺兒比戶集逃亡畊岱乘天時三農力田
畊勉事耘與耔夏畦冒炎暘手皴足亦胝九月登場圃
始得供一炊俗吏忽民瘼塗人視氓蚩疾困不之恤惟
事徵斂爲君真聲叟輩觸目爲淚洟頰念下民苦仰荅
皇天慈補苴竭心血務俾免阻饑至仁出肺腑長言沁
肝脾其它富詩篇一一瓊琚辭雲山發韶濩風雅庶未
衰吾將書百本用以示來茲

海幢寺和劉璞石太史韻

炎鄉何處望蓬萊
暫憩花宮眼界開
曾否前身是坡老

杭州蹋徧嶺南來

賈素齋歿於廣州越數日得杭州書聞陳華南亦
沒以詩志感

人生駒隙易侵尋弱草輕塵感不禁纔見雒中亡賈誼

又聞鄴下喪陳琳一官漫博頭銜在

時聞華南方奉萬
檄權紹興鄧丞

里徒增別淚深欲向梅莊尋舊宅西泠猿鳥有哀音

游海幢寺有作

讞獄少暇豫偶然步松門入世無可說欲與古佛言午
蟻漏疎影愛此榕陰繁禽喜客至見我鳴且喧喧寂
亦何有了了悟性根攜茗竹屋底稻香浮東軒雨少苦

炎暘未免心鬱煩獨立况多懼何如守田園老僧幸相
慰且聽風中幡

別廣州作四首

天上除書下 玉墀越江屏翰重南陲書生報 國原
無術 聖主需人豈有私靈鷲爭迎新擁傳金牛重問
舊題詞 君恩更許家鄉近感極惟應淚有絲

欲將寬德靖埃塵盜賊偏違大造仁橫海風煙迷絕島
徵師樓櫓隔通津昔游夢繞錢江路今事懽傳嶺嶠民
余以七月七日別廣州士 長願閭閻安枕席天心終愛
民焚香跽送者萬餘人 此邦人

一別杭州又一年兒童猶是盼旌旃忽聞北闕傳

新命真與西湖有夙緣萬里江山尋陸賈半生風月屬坡僊料應再到錢唐日回首炎洲但瘴煙

一尊珍重話臨歧心迹深邀大府知何事危疑占虎尾不憂謠詠到蛾眉行裝但載端溪石去路還尋峽寺詩

先是余作飛來寺詩刻於東臯師詩後

最是民情難忘處人人思立道旁

碑

畱別樂圃太守時方忝那制府幕

君家迢遞隔辰陽何意相逢嶺海旁執手欷歔論故舊

君出張詠齋之門

撫時慷慨罷盃觴儒生宦拙心猶赤幕府才

高髮未蒼它日江天遙憶處潮聲八月滿錢唐時余已奉浙藩

命之

畱別魚山比部璞石太史

莅粵匝歲餘政績我何有所喜逢魚山白髮論故舊况
交劉翰林殷勤共執手兩君皆人豪譽我不容口捫已
竊自慙鄭重意逾厚吹壚必和箎有酒必鼓缶匆匆那
作別遷官赴浙右蒙賜贈行章寶之等瓊玖媿余乏修
綆而乃享敝帚嶺南數十縣綰海作樞紐魚鹽向稱饒
風俗劇寧阜鮫鱷乃爲患近成盜賊藪商估始剽斂村
堡繼躡蹂號哭到鮐鮓涸沸及雞狗毋乃將士疲邊防

失戰守保甲少團練軍伍糜精糗我方紆籌策顧瞻每
掣肘以此增旁皇職事懼多負而今將去粵吾去忍回
首森森珠江流迢迢白雲岫豈無民物戀矧又別良友
重君忼慨懷臨歧酌大斗篋藏兩君詩相期在不朽

七月八日魚山樸石招同順德張孝廉維屏張秀

才思齊香山黃明經培芳鶴山吳孝廉應遠番禺

劉秀才廣禮靈山梁秀才晃欽州馮秀才士履饒

余於花田復賦此志別

出自城南門將與粵人辭粵人意何殷羅拜盈中遠不
忍捨之去含淚向路歧張帆珠江上五兩南風吹行行

到花田高館臨芳圻炎洲兩太史

魚山由編修
改官比部

祖席方

在茲并偕二三子爲我陳酒卮流連祇片晷終當遠別
離所感羣公誼惻惻入心脾

花田古勝區飛薨在晦靄從來送行者於此集冠蓋羣
公澹蕩人襟抱出塵壻謂我非俗吏世態盡陶汰論詩
半簞笠讀畫緩巾帶花藥滿曲闌延玩豁矇眊忽聞津
鼓喧執手動深慨相期崇令名詎久隱蓬艾 朝廷正
需賢彈冠赴良會

重游飛來寺作

我行將指飛來峯停帆再過飛來寺重窺洞天尋福地

杖撥巖雲入蒼翠不見秦時人避難棲此間不見安期
生丹竈畱空山荒唐舊跡渺難睹但聞松風謖謖穿屏
顏山僧迎門色先喜鬢毛應歎吾衰矣日月雙丸赴壑
虵重來笑問菩提子盤盤厯級高石壁摩天起懸棧危
崖鬼工似歸猿洞口猿未歸一片濛濛但花水石上僊
人奕楸枰剩遺踪竹間阮俞徑菖蒲花紫茸東峯西峯
路滑不可上笑見中間飛出白玉龍奔瀑下瀉聲琤琮
松門風爲關雲碓水自春水底隱隱聞清鐘雲中帝子
杳何處驂鸞駕鶴還相從吁嗟此寺飛來何不逕飛去
隨我直到飛來峯

觀音巖

峭壁削空嵌陡立勢如矗仰闕窮天梯俯睨裂地軸
碧然雲扉敞憑虛架石屋綸紆出高孔竄窅入深腹
老僧導我行松炬秉巖麓暗疑山鬼立潛恐水怪伏
潭幽秘黝黹崖仄窘瑟縮光明翳圭景滃鬱失炎燠
奇石森神工龍象不敢蹴幡帟蓮朶垂簷鐸冰萼簇
雷懸玉女乳髓凝仙掌瀑颯颯山風來冉冉聚雲
族晴天忽聞雷驚飛白蝙蝠

出洞

徑仄非意料茫昧落深井手捫苔蘚滑腳礙蘿葛梗上

八
壁壁色黝下逼潭氣冷蛟魑暗噓毒罔兩晝窺景垂堂
詎不戒履險難預警陰火照幽步漏曦導延頸雲屏忽
崩豁遂得曠朗境回首閉深宵如夢忽然憬入坎竟出
坎豈曰非天幸

曲江道中

五溪淫潦百蠻煙銅柱功名不記年此日滇江接武水
漢家無事下樓船

格磔鉤輅不可聞鷓鴣啼處雨紛紛人家五渡三楓裏
舊日題詩有范雲

谿邊松石自陰森平圃於今蔓草深
張文獻試上逍遙

臺上望何人彈到雍門琴

聞說千峯繞定身三冬露草雪中春我來欲問曹溪鉢
無復焚香禮舊真

始興江口望月

青山如劒水如羅滑笏明流蕩素波看徧韶峯三十六
始興江上月明多

度大庾嶺

梯險疑無路盤空別有天雙崖鳥道絕一縷馬蹄穿坂
自秦時鑿人傳漢使旋憑高重嶺眺風雨暗蠻煙

南安得吳樵客六月初旬書并詩詩中有天畱不

死待公歸之句今余之浙中計日可與槎客相見
樂喜而和韻得二首

重訪桐溪舊釣磯秋江獨速舞蓑衣只憐地下俞漪綠
不及潘閔待我歸

詹事云亡

錢竹汀先生

侍郎病

王述菴先生

都因說著淚沾衣杭

州咫尺家鄉近此日遷官直當歸

吉州道中

鷺洲洲畔水淙淙打槩螺江接字江忠定何年題壁處
青原山色入船牕

短岫幽篁霧裏開白鷗飛出水滌洄誠齋舊宅荒煙裏

誰問溪南老屋來

曾賓谷招集上方寺同游者吳穀人祭酒沈舫西
太守王惕甫博士用壁間東坡送李孝博使嶺表
韻

杪秋氣已肅疎柳鳴殘蟬上方何代刹古徑含秋煙停
輿躡石磴杖策凌松巔迎門老僧揖入寺斜陽懸高岡
緬寶帶殘碑拜坡仙方欣賓主勝盡集東南賢欲證無
上法且酌第一泉昔人已縣邈修竹徒便娟王

漁洋

陳

迦陵諸公作妙句亦聯翩我來自嶺表回首忽慙然

重九後一日伊太守墨卿招余游平山堂時槎客

先以九日來游有詩卽用其韻

卅年勝地失躋攀
重到斯堂碧四環
松磴寒飛過溪雨
寺門翠落隔江山
良朋對酒尊都綠
佳節懷人菊已斑
羨煞盦官城外客
滿船載得月明還

有感

紅橋銀漢隔重泉
簾竟牀空已十年
今夜西風雁聲裏
秋鐙無影照長眠

除光祿寺卿 召對瀛臺敬賦

之江銜 命復朝京猶記簪毫紫
籙清卅載同官多外吏
九重此日予清卿
冰銜 南苑承 恩早雪色西

山照眼明莫憶武林佳處好吾身今又到蓬瀛

題陳迎陵先生填詞圖六首

湖海詞人近已無銅官山色夢模糊儂家也近蝦籠嘴
後百餘年見此圖

風流雪苑復何如紅袖烏絲入洛初鬢已先霜袍未錦
憐才愁殺老尙書

射雉城中水繪園金尊檀板記留髡雲郎已去楊枝散

夜雨空尋般若門

水繪園今爲僧菴

舊事南朝怨總持先人名重黨人碑鉅蟬法曲淒涼甚
含淚挑燈付酒悲

吾家盛事舊能稽四月山園綠樹齊想得拈毫風慢底

杜鵑花下杜鵑啼

此記先生集寄楊園及碧山莊看杜鵑花事並見迦陵詞

戊午羣公會 赤墀制科同輩半題詞圖中只欠微雲

句好爲先公一補遺

寄湯黥山二首

八月錢塘路相逢喜倍加那知成遠別作宦又京華世事浮雲變鄉心落日斜爾家孤嶼畔春已到梅花

逸翮如孤鳳何堪混鶩鷄功名時已晚貴賤理原齊爾喜家鄉近我懷巖壑棲金閭門外柳綠過伯鸞谿

槎客書來寄示過鹵山惠力寺訪舊之作輒和卽

寄

憶昔歸田訪隱淪，扁舟曾繫峽川濔。
回頭不覺四年事，分手曾爲萬里人。
像繪遠公顏似舊，謂素清上人書傳才老墨猶新。
三秋香火重開社，塵海何勞著此身。

來鳳書至得三女凶問以詩哭之共十四首

蠻雲一角楚山尖，遠道書來喜拆函。
誰料翻成腸斷事，子規啼血在天南。

十年前哭魏成君，弱女哀啼不可聞。
今日汝先從母去，剩余老泪又紛紛。

五羊城畔尺書來，苦憶衰親白髮催。
我有還書遙寄汝，

那知生死隔泉臺

滄江水接洞庭昏
送汝孤舟出郭門
小別豈知成永別
窮荒無地與招魂

遙想荒林叫夜烏
一鐙風雨泣雙雛
迢迢老父頻揮淚
痛到無言淚亦無

人間那有返魂香
聊借天花作道場

方倩僧徒爲女禮懺

嗟汝一

棺蠻嶂裏六千里外未還鄉

寂寞僧齋梵誦餘
我今哭汝汝何如
五更殘月穿林白
夢裏京華問起居

襁褓依依長大隨
憐渠跬步不曾離
憶從嫁後添憂患

七八年來未展眉

萬感茫茫劫火中生離死別劇匆匆西神無恙溪山好

尚憶前年繫短篷

嘉慶八年八月之杪余率大女二女僣女於惠山之溪山第一樓

老去從教萬念灰况聞凶訊到金臺縱然早悟無生理

一日腸還過九廻

箱籠檢點幾摩挲肩鋪空樓那復過料得月明粧閣呼

畫梁零落燕泥多

女向居吾家一小樓渠之來鳳肩鋪者兩載矣

繡佛齋前禮落伽曼陀花本是空花夜來休聽黃雞曲

頭白吾生更有涯

余家奉大士像於洗硯齋大女偕三女常禮拜處今大女孀居而三女沒

鄰前細小尚無知髻齒都成失哺兒難必衰年見成立

黃泉何以慰心期

獨居京國別家山
骨肉相看夢寐間
今日傷心何處說
此生無復見渠顏

十二月十九日招集同人於椿樹衙衙蔡式齋侍
御書齋祭蘇文忠公有作

先生一去七百年
駢鸞翳鳳乘雲烟
孤山有祠作生日
曾采香芷烹寒泉

孤山文忠祠余所建

雙丸跳躍不可道
去歲萍踪在蠻島

廨舍高懸笠展圖
祀事雖修殊草草
今年八月秋滿江
使君又上西湖艤
朝天歸去繼前轍
擬更載酒傾銀缸
誰知萬事如轉轂
不獨緣慳亦關福
三山

已到風引回無分西湖飲寒淥所喜京雒多詩人過從
慰藉老更親九門風雪墜鵬鸚椿樹古巷羅冠紳復此
生辰祀坡老朱橘黃柑此時好辨香千載蘇與黃並拜
涪翁薦蘋藻

是日並懸黃文節像

熙寧遄事嗟衆咻正人都竄天

南陬公歸有田買陽羨涪翁且死宜城樓吾曹生當

明盛日狂歌痛飲懽膠漆縱教磨蝎同守官未怕南箕
漫張舌紗縠舊里峨眉山堂堂我公誰能攀座中吹笛
欠李委想像孤鶴南飛還一笑人生復何有愁來共醉
長安酒酒醒却憶孤山隈玉梅花下交三九